

3

«Әкемнің айтқандары әлі есімде»



4

«Аянып қалмаймыз»



# Сыр бойы

23 шілде, сейсенбі 2024 жыл

№112 (20786)

Қызылорда облыстық қоғамдық-саяси газет. 1929 жылдың 1 шілдесінен шығады



www.facebook.com/syrboyi.kz/

www.instagram.com/syrboyi\_kz

t.me/syrboyi\_kz

twitter.com/syrboyi

## /// ПРЕЗИДЕНТ



### ТЕЛЕФОН АРҚЫЛЫ СӨЙЛЕСТІ

Мемлекет басшысы Қасым-Жомарт Тоқаев Иран Ислам Республикасының жаңадан сайланған Президенті Масуд Пезешкианды жеңісімен құттықтап, жауапты мемлекеттік қызметіне табыс тіледі.

Әңгімелесу барысында екі ел басшылары қазақ-иран қатынастарын одан әрі нығайтуға өзара ниетті екенін растады.

Тараптар сауда-экономикалық, көлік-логистикалық және мәдени-гуманитарлық салалардағы ынтымақтастықтың қазіргі жай-күйі мен даму перспективаларын талқылады. Сондай-ақ өңірлік және халықаралық күн тәртібіндегі өзекті мәселелер жөнінде пікір алмасты.

### БЕЛЬГИЯ КОРОЛІН ҚҰТТЫҚТАДЫ

Қазақстан Президенті Қасым-Жомарт Тоқаев Бельгияның Ұлттық күніне орай Король Филиппке құттықтау жеделхатын жолдады.

– Қазақстан мен Бельгияны берік достық пен өзара құрметке негізделген тығыз серіктестік қарым-қатынас байланыстыратынын ерекше атап өткізіп келеді, – деп жазылған жеделхатта.

Президент Қасым-Жомарт Тоқаев Король Филипптің барлық игі бастамасына табыс, Бельгия халқына бақ-береке тіледі.

## КЕЛЕСІ САНДА

### КРИПТОВАЛЮТА НЕГЕ СЕНИМСІЗ ВАЛЮТАҒА АЙНАЛДЫ?

## /// КОММУНАЛДЫҚ ҚЫЗМЕТ

### ӨЗГЕРІС ӘКЕЛГЕН ӨНІМДІ ЖОБАЛАР

Тұрғын үй-коммуналдық шаруашылық, энергетика – кез келген елдің экономикасы мен әлеуметтік саласының негізгі тіректерінің бірі. Ол экономикалық қатынастардың дамуына және халықтың әлеуметтік әл-ауқатына айтарлықтай әсер етеді. Бүгінде бұл салаларда өзгерістер орын алып, жақсы қарқынмен дамып келеді. Елдің жарықпен және жылумен, таза ауызсумен қамтамасыз етілуі осы сала мамандарының жоғары жауапкершілігі мен сапалы қызметіне тікелей байланысты.

Облыстық энергетика және тұрғын үй-коммуналдық шаруашылық басқармасы аймақтағы тұрғын үй-коммуналдық шаруашылық, газ, ауызсу, электр және жылу энергиясымен жабдықтау саласын дамыту бағытында тиісті жұмыстарды атқарып келеді. Мәселен, өткен жылы облыс аумағында 4 қала және 35 ауылдық

елді мекен табиғи газға қосылып, тұрғындарды газдандыру үлесі 75 пайызды құраған болатын. Биыл жыл басынан бері «Алмалы», «Бестам», «Актоған», «Төретам» ауылдық елді мекендері табиғи газға қосылды. Жыл соңына дейін «Сексеуіл», Абай, «Ақсу», Шәменов, Сейфуллин, Тоқмағамбетов, «Төменарық»

ауылдары газдандырылатын болады. Осылайша облыстың газбен қамту деңгейі 78 пайызға, газға қосылған ауылдардың саны 46-ға жетеді.

Тұрғындарды таза ауызсумен қамту – өңірдегі шешімі табылған мәселелердің бірі. Себебі облыс тұрғындарының 98,4 пайызы орталықтандырылған ауызсу жүйесіне қосылған.

Мемлекет басшысы 2021 жылғы Жолдауында Үкіметке алдағы бес жыл ішінде халықтың 100 пайызын таза ауызсумен қамтамасыз етуді тапсырған болатын.

## /// ДЕРЕК ПЕН ДӘЙЕК

### ӨНДЕУ ӨНЕРКӘСІБІ: Қолдау және қарқын

Облыстық кәсіпкерлік және өнеркәсіп басқармасы жыл басынан бері атқарылған жұмыстарды қорытындылады. Салада көңіл көншітерілік көрсеткіштер аз емес. Мемлекеттік қолдаудың арқасында ісі өрге басып, өңірдің экономикалық жағдайын жақсартуға біркөксейді үлес қосушылар қатары көбеюде. Жалпы аймақта индустрияландыру іс-шараларының нәтижесінде өнеркәсіптің өңдеу саласы қарқынды дамуда. Биылғы 6 айдың қорытындысымен өңдеу өнеркәсібінің өсуі бойынша облыс өңірлер арасында 1-орынға шықты. Мемлекеттік қаржылай қолдаудың көмегімен облыста бірнеше шағын өндіріс пен қызмет көрсету орны ашылды.

Облыстық кәсіпкерлік және өнеркәсіп басқармасының басшысы Бекболат Шәріпбековтің айтуынша, мұнай өндіру көлемінің төмендеуіне қарамастан, өнеркәсіп өндірісінің көлемі 5%-ға, өңдеу өнеркәсібі 37,5%-ға артқан. Сонымен қатар сауда мен негізгі капиталға тартылған инвестиция көлемі де көбейген.

### ГАЗ РЕСУРСТАРЫНЫҢ ЖАҢА КӨЗІ

Бүгінде кәсіп бастап, экономикалық жағынан белсенді азаматтардың қатары да өсіп келеді. Демек, кәсіпкерлікті – бір істі бастаған адамның ғана емес, халықтың қамын күйттеуге бағытталған негізгі сала ретінде қарастырасақ болады. Жұмыс жасап тұрған кәсіпкерлер саны 64 мыңнан асқан.

Жасыратыны жоқ, облыс көп уақыттан бері мұнай өндірісіне арқа сүйен келген болатын. Алайда кейінгі жылдары бұл өндіріс біршама қысқарды. Мәселен, былтыр мұнай өндіру көлемі шамамен 7%-ға төмендеп, 3,7 млн тоннаға құраған. Ал биыл мұнай компанияларының мәліметінше, 100 мың тоннаға төмендеуі болжануда. Мұнай-газ саласын дамыту және инвестициялар тарту бағытында қолайлы жағдайлар жасау мақсатында тиісті жұмыстар атқарылуда.

Қызылорда облысының әлеуметтік-экономикалық дамуының кешенді жоспары аясында «Арал» шөгінді бассейнінде басталған өңірлік геологиялық зерттеу жұ-

мыстары биыл аяқталмақ. «Қаз-МұнайГаз» Ұлттық компаниясы палеозой» кен орнында терендігі 5,5 мың метр ұңғыманы бұрғылау жұмыстарын биыл мамырда бастаған. Қолданыстағы кен орындарында өндірісті ұлғайту үшін жоғары технологиялық шетелдік компания тартылуда.

Суланған, сарқылған мұнай-газ кен орындарын игеруде «Gepetto» компаниясының тәжірибесі мол. Ол Қытайдағы 21 мұнай мен газ кен орнын қамтиды және 1500-ден астам ұңғымаларға қызмет көрсетеді. Өндіру көлемінің жыл сайынғы өсуі кемінде 30%.

Газ өндіру және қайта өңдеу көлемін ұлғайту үшін облыс әкімдігі салалық министрлікпен бірлесіп, «ҚазГЕРМұнай» серіктестігінде тауарлық газ өндірудің екінші желісін іске қосты. Шикізатпен қамтамасыз етуде басқа компаниялардың кен орындарынан газ ресурстары тартылатын болады.



### ИНВЕСТИЦИЯ ИГІЛІГІ

Кез келген аймақтың экономикалық дамуына инвестицияның ықпалы зор. Бұл тұрғыда облыс өзге өңірлерден озық. Алдағы 5 жылда облыста жалпыұлттық инвестициялық жобалар аясында 46 жоба іске қосылды деп күтілуде. Биылға жоспарланған 14 жобаның 3-уі іске қосылды.

Олар – Қазалы ауданындағы «Жанкент Агро» ЖШС күріш ақтау зауыты, «Орда гласс ЛТД» ЖШС жылына 5 млн шаршы метр энергия үнемдейтін шыны

## /// ЕЛ ЖАҢАЛЫҚТАРЫ

### Нью-Йорктегі 29 медаль

Қазақстандық оқушылар Нью-Йоркте өткен бөледі Колерник халықаралық математика олимпиадасында 29 медаль жеңіп алды.

Нью-Йорктегі Колумбия университетінде өткен жарысқа 50-ден астам ел қатысты. Қазақстандық оқушылар олимпиадада 29 медаль жеңіп алып, ерекше жетістік көрсетті: 2 алтын, 11 күміс және 16 қола.



Қазақстан Республикасының АҚШ-тағы дипломатиялық мекемелері оқушыларға қолдау көрсеткен ұстаздар мен ата-аналарға алғысын білдірді.

«Қымбатты студенттер, ғылымның қызық әлемін танып-білуде алдағы жұмыстарыңызға сәттілік тілейміз!» делінген Нью-Йорктегі Бас консулдың Facebook-тегі парақшасында.

### Сәтбаев пойызы жолға шықты

«Қазақстан темір жолы» ҰК» АҚ Қаныш Сәтбаевтың 125 жылдығына орай бекендірілген жолаушылар пойызын жолға шығарды.

Ғалымның өміржолы Жезқазған қаласымен тығыз байланысты болғандықтан, оның суреті №65/66 «Астана-Жезқазған» бағытындағы пойызға бейнеленген. Ол тамыз айының соңына дейін құнара қатынайтын болады.



Қазақтың көрнекті қайраткерлеріне арналған тақырыптық жобаны Ұлттық тасымалдаушы «Қазакмұса» компаниясымен бірлесіп алғаш рет іске асырып отыр. Пойыздың сыртқы жағында Қаныш Сәтбаевтың өмір сүрген жылдары мен оның мерейтойлық портреті бейнеленген. Жоба ұлы қазақ ғалымының есімін кастерлеуге бағытталған.

### Интернет жылдамдығы жоғары

Еуразиялық даму банкі Қазақстандағы цифрлық қызметтердің даму қарқынын саралап көрді. ЕАЭО-ның басқа елдеріне қарағанда біздегі интернет халықтың көп бөлігіне қолжетімді екені анықталып отыр.

Есепке сәйкес, Қазақстанда азаматтардың 90,9 пайызы бірден интернетке қол жеткізе алады. Ресейде бұл көрсеткіш небәрі 88,2%-ды, ал Беларусьте 86,9%-ды құраған. Түркіменстандағы көрсеткіш 38,2%-ға тең.

Интернет жылдамдығы бойынша Қазақстан ЕАЭО елдерінің ішінде Өзбекстаннан кейінгі төртінші орынға тұрақтаған. Армения, Түркіменстан және Тәжікстанда ең төменгі көрсеткіштер тіркелген.

Ақпарат көздерінен



2-бет

Фото: Ашық дереккөзден

Валюта бағамы \$ 473,15 kzt € 515,12 kzt ₸ 5,4 kzt

Ауа райы +35° +37°

+36° +38°





